



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A – 82/15

Sarajevo, 16.09.2015. godine

Na osnovu člana 64. stav 1. i člana 70. Zakona o javnim nabavkama Bosne i Hercegovine („Službeni glasnik BiH“, broj 39/14,) glavni tužilac Tužilaštva/Tužiteljstva BiH donio je:

ODLUKU

o izboru najpovoljnijeg ponuđača za nabavku usluge tehničko uređenje, priprema za štampu i štampanje biltena za potrebe Tužilaštva/Tužiteljstva BiH

Član 1.

Nakon razmatranja ponuda koje ispunjavaju uslove konkurentskog zahtjeva, Komisija za javne nabavke ocijenila je kao najnižu cijenu ponude firme "Vutis" d.o.o. Sarajevo.

Član 2.

Ova odluka objavljuje se na internetskoj stranici Tužilaštva/Tužiteljstva BiH. Komisija za javne nabavke uputit će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke usluge – tehničko uređenje, priprema za štampu i štampanje biltena za potrebe Tužilaštva/Tužiteljstva BiH. Javna nabavka je provedena putem Konkurentskog zahtjeva za dostavu ponuda broj: A-82/15, a procijenjena vrijednost javne nabavke bez PDV-a je 17.100,00 KM. Obavještenje o nabavci objavljeno je na portalu javnih nabavki pod brojem: 435-7-2-1023-3-8/15 od 09.07.2015. godine. Zahtjev za dostavu ponuda prosljeđen je na adrese 5 (pet) ponuđača („Print-line“ d.o.o.,

„Svjetlost graf“ o.d., „Privredna štampa“ d.o.o., „Vip design“ d.o.o. i „Vutis“ d.o.o.) istovremeno sa slanjem obavještenja na Portal javnih nabavki dana 09.07.2015. godine. Komisija je blagovremeno i pravilno izvršila javno otvaranje ponuda dana 16.07.2015. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajući zapisnik u kojem je utvrđeno slijedeće: da su blagovremeno pristigle ukupno četiri (4) ponude; da je ponuda firme „Blicdruk“ d.o.o. neblagovremeno zaprimljena, ponuda ponuđača „Vutis“ d.o.o. ocijenjene prihvatljivim u skladu sa tenderskom dokumentacijom, a ponude ponuđača „A Dizajn“ d.o.o., „Grafika Šaran“ d.o.o. ocijenjene neprihvatljivim u skladu sa tenderskom dokumentacijom te su ponude ocijenjene kao neprihvatljive iz razloga što ne sadrže ovjereni izvod iz sudskog registra. U postupku donošenja odluke, posebno su cijanjene činjenice da je Komisija pravilno i potpuno izvršila ocjenu kvalificiranosti ponuda, te ocjenu, poređenje i rang listu prispijelih ponuda, shodno kriteriju najniža cijena.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „Vutis“ d.o.o. izabran primjenjujući kriterij najniže cijene koja je ponuđena u iznosu od 17.080,00 KM bez PDV-a.

Iz navedenih razloga, primjenom člana 64. Stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU.

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.

 **Predsjednik komisije za JN
TUŽILAŠTVA/TUŽITELJSTVA BiH
Hasan Pleh**

 **Glavni tužilac
TUŽILAŠTVA/TUŽITELJSTVA BiH
Goran Salihović**

Dostavljeno:
- „A Dizajn“ d.o.o.
- „Grafika Šaran“ d.o.o.

